

SOALAN NO: 30

PARLIMEN MALAYSIA
PEMBERITAHU PERTANYAAN DEWAN RAKYAT

PERTANYAAN : Lisan

**DARIPADA : Raja Dato' Kamarul Bahrain Shah
[Kuala Terengganu]**

TARIKH : 22 November 2016

**SOALAN : Raja Dato' Kamarul Bahrain Shah minta
MENTERI PERTANIAN DAN INDUSTRI
ASAS TANI menyatakan:-**

sejak tahun 2015, berapakah lesen-lesen nelayan yang melibatkan negara asing yang telah dibatalkan dan berapa banyakkah lagi pihak yang masih aktif sehingga akhir 2016.

JAWAPAN

Tuan Yang Dipertua,

Untuk makluman Ahli-ahli Yang Berhormat, Kementerian Pertanian dan Industri Asas Tani melalui Jabatan Perikanan Malaysia tidak mengeluarkan lesen nelayan yang melibatkan negara asing. Berdasarkan kepada Akta Perikanan 1958 Seksyen (10)(1)(c), Ketua Pengarah Perikanan hanya memberi **kelulusan bertulis** kepada kru asing untuk bekerja di atas vesel penangkapan ikan tempatan. Kelulusan kepada kru asing ini adalah berdasarkan kepada tempoh lesen vesel di mana kru tersebut akan bekerja. Penggunaan kru asing hanya dibenarkan bagi vesel-vesel yang beroperasi di zon C dan C2.

Pada tahun 2015, seramai **38,612 orang nelayan asing** yang bekerja di atas vesel penangkapan ikan di Malaysia telah direkodkan melibatkan kru asing daripada negara Thailand, Indonesia, Vietnam dan lain-lain negara.

Dari tahun 2015 hingga bulan September 2016, Kementerian Pertanian dan Industri Asas Tani melalui Jabatan Perikanan Malaysia **telah membatalkan 47 lesen vesel** penangkapan ikan tempatan yang berasal dari luar negara seperti berikut:

BIL	NEGARA ASAL	BIL. VESEL YANG DIBATALKAN
1	Thailand	43
2	Indonesia	2
3	Vietnam	2
JUMLAH		47

Manakala sehingga bulan September 2016, bilangan lesen vesel penangkapan ikan yang berasal dari luar negara yang masih aktif adalah sebanyak **298** buah. Vesel-vesel tersebut berasal dari Vietnam, Indonesia, China, Norway, Taiwan dan Jepun.

BIL	NEGARA ASAL	BIL. VESEL YANG MASIH AKTIF
1	Vietnam	186
2	Indonesia	76
3	China	31
4	Norway	1
5	Taiwan	2
6	Jepun	2
JUMLAH		298